

Na osnovu člana 10. stav 6. Zakona o energiji i regulaciji energetske djelatnosti u Federaciji Bosne i Hercegovine („Službene novine FBiH“, broj 60/23), a sve u vezi sa članom 19. Zakona o organizaciji organa uprave u Federaciji Bosne i Hercegovine („Službene novine FBiH“, broj 35/05), Federalno ministarstvo energije, rudarstva i industrije donosi sljedeći:

## **PRAVILNIK O ENERGETSKOM BILANSU**

### **PRVI DIO - OPĆE ODREDBE**

#### **Član 1 (Predmet pravilnika)**

Ovim Pravilnikom se propisuju sadržaj i format energetskog bilansa i pojedinačnih sektorskih bilansa, vrste podataka, rokovi i način dostavljanja podataka, način objave bilansa i drugi elementi neophodni za izradu i praćenje ostvarenja energetskog bilansa.

#### **Član 2 (Cilj)**

- (1) Energetskim bilansom se utvrđuju ukupne potrebe za energijom i energentima, izvori obezbjeđivanja potrebnih količina energije i energenata, te način i mjere za zadovoljavanje tih potreba.
- (2) Energetski bilans se izrađuje u svrhu iskazivanja potreba za svim vrstama energenata i oblika energije, dostatnih za planirani razvoj Federacije BiH i potrošnju u svim sektorima.

#### **Član 3 (Značenje izraza)**

Definicije i izrazi koji se koriste u ovom Pravilniku imaju značenja utvrđena Zakonom o energiji i regulaciji energetske djelatnosti u Federaciji Bosne i Hercegovine („Službene novine FBiH“, broj 60/23), Zakonom o električnoj energiji Federacije Bosne i Hercegovine („Službene novine FBiH“, broj 60/23), Zakonom o naftnim derivatima u Federaciji Bosne i Hercegovine („Službene novine FBiH“, broj 52/14), Zakonom o korištenju obnovljivih izvora energije i efikasne kogeneracije („Službene novine FBiH“, broj 82/23) i Uredbom o organizaciji i regulaciji sektora gasne privrede („Službene novine FBiH“ br. 83/07, 71/01 i 91/22).

### **DRUGI DIO - SADRŽAJ I FORMAT ENERGETSKOG BILANSA**

#### **Član 4 (Sadržaj energetskog bilansa)**

- (1) Energetski bilans obuhvata analizu i upotrebu: primarnih oblika energije, (proizvodnja, uvoz i izvoz,) energetske transformacije, (proizvodnja, uvoz, izvoz, međuentitetska razmjena, energija potrebna za proces transformacije, vlastita potrošnja prilikom

transformacije, gubici u procesu transformacije, gubici u prenosnim i distributivnim mrežama), potrošnju transformirane-finalne energije.

- (2) Energetski bilans je jedinstven dokument koji čine sljedeće komponente:
  - a) godišnji energetski bilans,
  - b) trogodišnji energetski bilans.
- (3) Energetski bilans sadrži sljedeće sektorske bilanse:
  - a) bilans uglja,
  - b) bilans električne energije,
  - c) bilans naftnih derivata,
  - d) bilans prirodnog gasa,
  - e) bilans toplotne energije,
  - f) bilans obnovljivih izvora energije.

#### **Član 5** **(Forma energetskog bilansa)**

- (1) Energetski bilans se izrađuje u propisanoj formi koja se nalazi u Prilogu 1 i sastavni je dio ovog Pravilnika.
- (2) Sektorski bilansi se izrađuju u propisanoj formi koji se nalaze u Prilogu 1 i sastavni su dijelovi ovog Pravilnika.

### **TREĆI DIO - IZRADA ENERGETSKOG BILANSA**

#### *Organizacija izrade energetskog bilansa*

#### **Član 6** **(Prikupljanje podataka)**

Federalno ministarstvo energije rudarstva i industrije (u daljem tekstu Ministarstvo) je odgovorno za organizaciju i koordinaciju prikupljanja podataka potrebnih za izradu energetskog bilansa.

#### **Član 7** **(Faze izrade)**

Energetski bilans se izrađuje u sljedećim fazama:

- a) I faza - Prikupljanje podataka;
- b) II faza - Izrada Planskog energetskog bilansa za tri godine sa fokusom na narednoj godini na mjesečnom nivou;
- c) III faza - Praćenje Ostvarenog energetskog bilansa u tekućoj godini zaključno sa oktobrom mjesecom;
- d) IV faza - Izrada Ostvarenog energetskog bilansa za period januar – oktobar tekuće godine sa prognozom bilansa za novembar i decembar tekuće godine.

#### **Član 8** **(Metodologija za izradu energetskog bilansa)**

Organizacija prikupljanja podataka, dinamika izrade i sadržaj energetskog bilansa opisani su u Metodologiji za izradu energetskog bilansa, koja se nalazi u Prilogu 3 i sastavni je dio ovoga Pravilnika.

## *Način i rokovi za dostavljanje podataka*

### **Član 9 (Dostavljanje podataka)**

- (1) Na zahtjev Ministarstva, dostavljen pisanim ili elektronskim putem, svi energetske subjekti u FBiH, nadležna ministarstva u FBiH, i nadležne institucije na nivou kantona i lokalnih zajednica dužni su dostaviti tražene podatke i rizike za ostvarenje planskih veličina.
- (2) Ministarstvo, zahtjev za dostavu podataka dostavlja najkasnije do 20. oktobra tekuće godine.

### **Član 10 (Rokovi i način dostavljanja podataka)**

- (1) Energetski subjekti koji obavljaju energetske djelatnosti proizvodnje električne energije, prijenosa električne energije, vođenja elektroenergetskog sistema, organiziranja tržišta električne energije, dužni su na zahtjev Ministarstva dostaviti podatke navedene Prilogu 2 ovog Pravilnika, najkasnije do 20. novembra tekuće godine.
- (2) Energetski subjekti koji se bave proizvodnjom uglja, trgovinom ugljem, uvozom uglja, izvozom uglja, dužni su na zahtjev Ministarstva dostaviti podatke navedene Prilogu 2 ovog Pravilnika, najkasnije do 20. novembra tekuće godine.
- (3) Energetski subjekti koji se bave uvozom plina, transportom plina, distribucijom plina, dužni su na zahtjev Ministarstva dostaviti podatke navedene Prilogu 2 ovog Pravilnika, najkasnije do 20. novembra tekuće godine.
- (4) Energetski subjekti koji se bave naftom i naftnim derivatima dužni su na zahtjev Ministarstva dostaviti podatke o naftnim derivatima, u skladu sa Pravilnikom kojim se uređuje dostavljanje podataka iz naftnog sektora po posebnom zahtevu Ministarstva, najkasnije do 20. novembra tekuće godine.
- (5) Energetski subjekti koji se bave proizvodnjom toplotne energije u sistemu daljinskog grijanja, distribucijom toplotne energije, snabdijevanjem toplotnom energijom, dužni su Ministarstvu dostaviti podatke navedene Prilogu 2 ovog Pravilnika, najkasnije do 20. novembra tekuće godine.
- (6) Energetski subjekti na nivou kantona tražene podatke dostavljaju preko nadležnog kantonalnog ministarstva.
- (7) Podaci iz prethodnih stavki dostavljaju se Ministarstvu u elektronskom i pisanom obliku u propisanim rokovima u skladu sa Metodologijom za izradu energetske bilansa.
- (8) Energetski subjekti iz stava (1) do (7) dostavljaju Ministarstvu podatke o ostvarenoj potrošnji energije za cijelu prethodnu godinu na obrascima iz Priloga 2 ovog Pravilnika, u skladu sa Metodologijom za izradu energetske bilansa, najkasnije do kraja februara tekuće godine.

## *Način izrade energetske bilansa*

### **Član 11 (Jednoznačno korištenje podataka)**

Energetski bilans se radi u skladu sa metodologijom propisanom od strane IEA (International Energy Agency), EUROSTAT-a (Statistical Office of the European Communities) i UNECE-a (United Nations Economic Commission for Europe) za države članice i kandidate EU, a radi jednoznačnog korištenja podataka.

**Član 12**  
**(Detaljan sadržaj komponenti energetskeg bilansa)**

- (1) Ministarstvo izrađuje godišnji energetskeg bilans kao ostvareni energetskeg bilans za tekuću godinu i to: ostvareni energetskeg bilans za period januar - oktobar i prognozu energetskeg bilansa za novembar i decembar.
- (2) Ministarstvo izrađuje trogodišnji energetskeg bilans kao planski energetskeg bilans za naredne tri godine po godinama, sa fokusom na prvoj narednoj godini koja se bilansira po mjesecima.

**Član 13**  
**(Usvajanje energetskeg bilansa)**

Prijedlog energetskeg bilansa Ministarstvo dostavlja Vladi Federacije Bosne i Hercegovine na usvajanje do kraja decembra tekuće godine.

**Član 14**  
**(Objavljivanje energetskeg bilansa)**

Energetskeg bilans usvojen od strane Vlade Federacije Bosne i Hercegovine objavljuje se u „Službenim novinama Federacije BiH“.

**ČETVRDI DIO - PRELAZNE I ZAVRŠNE ODREDBE**

**Član 15**  
**(Prilozi Pravilnika)**

Pravilnik sadrži sljedeće priloge koji čine njegov sastavni dio:

- a) Prilog 1 – Format energetskeg bilansa,
- b) Prilog 2 - Format sektorskih bilansa,
- c) Prilog 3 - Metodologiju za izradu energetskeg bilansa.

**Član 16**  
**(Stupanje na snagu)**

Obaveza izrade sektorskeg energetskeg bilansa za toplotnu energiju i sektorskeg energetskeg bilansa za obnovljive izvore energije u pogledu drugih vidova energije osim električne energije primjenjivaće se počev od izrade energetskeg bilansa za 2028. godinu.

Ovaj Pravilnik stupa na snagu osmog dana od dana objavljivanja u „Službenim novinama Federacije BiH“.